

春秋左傳杜注

春秋左傳杜注卷第二十九

華亭姚培謙

哀公

名蔣定公之子蓋夫人定姒所生謚法恭仁短折曰哀

經元年春王正月公即位

無傳

○楚子陳侯隨侯許

男圍蔡

隨世服於楚不通中國吳之入楚昭王奔隨隨人免之卒復楚圍楚人德之使列於諸侯故得見經定六年鄭滅許此復見者

蓋楚封之

○饑鼠食郊牛改卜牛○夏四月辛巳郊

無傳書過也不

言所食所食非一處

○秋齊侯衛侯伐晉○冬仲孫何忌帥師

伐邾

無傳

傳元年春楚子圍蔡報柏舉也

在定四年

里而裁

裁設板築為圍壘周

匝築城一里。○裁才代反。○築壘圍之。
欲置兵于內以攻蔡。使外人不得救也。
廣丈高倍。厚一丈。高二丈。夫屯

晝夜九日。夫備兵也。壘未成故。今人在壘裏也。守蔡。如子西之素。子西本計為壘。當用九日而成。蔡

人男女以辨。辨別也。男女各別。係繫而出降。使疆於江汝之間。而還。楚欲

徙國在江水之北。汝水之南。求田以自安也。祭權聽命。故楚師還。蔡於是乎請遷于吳。楚既遷蔡。人更叛楚。

就吳為明年。蔡遷州來傳。

○吳王夫差敗越于夫椒。報檇李也。檇李在定十四年。夫椒吳郡吳縣西南太

湖中椒山。○夫音扶。○通典包山一名夫椒山。即西洞庭山也。今在江南蘇州府吳縣西南。遂入越。越子以甲

楯五千。保于會稽。七會稽山也。在今浙江紹興府會稽縣東南十二里。使

大夫種因吳犬宰嚭以行成。吳子將許之。伍員曰。

不可。臣聞之。樹德莫如滋。去疾莫如盡。昔有過澆

殺斟灌。以伐斟鄩。澆寒浞子。封于過者。二斟夏同姓諸侯。夏四年。傳曰。澆用師滅斟灌。過平聲。澆五叫反。浞任。捉及

滅夏后相。夏后相。啓孫也。后相失罔。依於二斟。復為澆所滅。后緡方娠。逃出自竇。后

相妻。娠懷身也。娠音身。緡。亡巾反。歸于有仍。后緡有仍氏女。生少康焉。為仍牧正。

牧官之長。其澆能戒之。其毒也。戒備也。澆使椒求之。椒澆之臣。逃奔有虞。為

之庖正。以除其害。虞舜後諸侯也。梁國有虞縣。庖正。掌膳羞之官。賴此以得除己害。今河南歸德府虞城縣南

三里有故虞城。虞思於是妻之以二姚。思有虞君也。虞思自以二女妻少康。姚虞姓。而邑

諸綸。綸。虞邑。今虞城縣東南三十五里有故綸城。有田一成。有衆一旅。方十里為成。五百人為旅。

能布其德而兆其謀。始以收復衆。撫其官職。襄四年傳曰。靡

自有高氏收二國之

使女艾謀澆

女艾少康臣謀候也。女音汝

使季杼誘豷

豷澆弟也。季杼少康子。后杼也。杼直吕反。豷許器反。

遂滅過戈。復禹之績

過澆國。戈豷國。

祀夏

配天不失舊物

物事也

今吳不如過而越大於少康。或

將豐之不亦難乎

言與越成是使越豐大必為吳難

句踐能親而務施

施不失人

所加惠賜皆得其人。施去聲

親不棄勞

推親愛之誠則不遺小勞

與我同壤

而世為仇讎。於是乎克而弗取。將又存之。違天而

長寇讎

猶言天與不取

後雖悔之不可食已

食消也。已止也。不可消食而止其患

姬

之衰也。日可俟也

姬吳姓言可計日而待

介在蠻夷而長寇讎以

是求伯必不行矣。弗聽。退而告人曰。越十年生聚

而十年教訓生民聚財當二十年之外吳其為沼乎謂吳

廢壞當為汙池為二三月越及吳平吳入越不書吳不告

慶越不告敗也嫌夷狄不與華

○夏四月齊侯衛侯救邯鄲圍五鹿趙殺以邯鄲叛范中行氏之黨也五

鹿晉

○吳之入楚也在定四年使召陳懷公懷公朝國人而問

焉曰欲與楚者右欲與吳者左陳人從田無田從

黨都邑之人無田者隨黨而立不知所與故逢滑當公而進當公不

曰臣聞國之興也以福其亡也以禍今吳未有福

楚未有禍。楚未可弃。吳未可從而晉盟主也。若以

晉辭吳。若何。公曰。國勝君亡。非禍而何。楚為吳所勝對曰。

國之有是多矣。何必不復。小國猶復。况大國乎。臣

聞國之興也。視民如傷。是其福也。如傷恐驚動其亡也。以

民為土芥。是其禍也。芥草也楚雖無德。亦不艾殺其民。

吳日敝於兵。暴骨如莽。草之生於廣野莽莽然故曰草莽。艾魚廢反。暴步下反。而未見

德焉。天其或者正訓楚也。使懼而改過禍之適吳。其何日

之有。言今至陳侯從之。及夫差克越。乃脩先君之怨。秋

八月。吳侵陳。脩舊怨也。傳言吳不脩德而情怨所以亡

○齊侯衛侯會于乾侯救范氏也師及齊師衛孔

圍鮮虞人伐晉取棘蒲

魯師不書非公命也孔圍孔烝鉏曾孫鮮虞秋帥賤故不書○今直隸真定府

趙州城中有棘蒲社

○吳師在陳楚大夫皆懼曰闔廬惟能用其民以

敗我於柏舉今聞其嗣又甚焉將若之何子西曰

二子子恤不相睦無患吳矣昔闔廬食不二味○謂與在

下同其好惡不別二為美味也

居不重席室不崇壇

平地作室不起壇也

器不彤鏤

彤丹也鏤刻也○彤徒冬反鏤魯豆反

宮室不觀

觀臺榭○觀去聲

舟車不飾衣服財

用擇不取費

選取堅厚不尚細靡

在國天有舊癘

癘疾疫也

親巡孤寡

而共其乏困。在軍熟食者分。而後敢食。必須軍士皆分熟食不敢先食

分猶其所嘗者。卒乘與焉。所嘗甘珍非常食勤恤其民。而與之

勞逸。是以民不罷勞。死知不曠。知身死不見曠弃吾先大夫

子常。易之。所以敗我也。易猶反也今聞夫差。次有臺榭陂

池焉。積土為高曰臺。有木曰榭。過再宿曰次。○陂。彼宜反。宿有妃嬙嬪御焉。妃嬙貴者嬪御賤者皆內官。○

嬙。在羊反。嬪。毗人反。一日之行。所欲必成。玩好必從。珍異是聚。

觀樂是務。視民如讎。而用之日新。夫先自敗也已。

安能敗我。為二十二年越滅吳起本

○冬十月。晉趙鞅伐朝歌。討范中行氏

經二年春王二月季孫斯叔孫州仇仲孫何忌帥

師伐邾取漵東田及沂西田邾人以賂取之癸巳叔孫

州仇仲孫何忌及邾子盟于句繹句繹邾地取邑盟以要之。句音勾。句繹應

在今山東兗州府鄒縣境十四年小邾以句繹來奔此云邾地蓋國竟相近所屬無常若昔魯爭鄭之等○夏四月丙子

衛侯元卒定四年盟臯馳○滕子來朝無傳○晉趙鞅帥師納

衛世子蒯瞶于戚○秋八月甲戌晉趙鞅帥師及

鄭罕達帥師戰于鐵鄭師敗績皆陳曰戰大崩曰敗績鐵在戚城南罕達子皮孫○

冬十月葬衛靈公無傳七月而葬○十有一月蔡遷于州來

畏楚而請遷故以自遷為文蔡殺其大夫公子馬四懷土而欺大國故罪而書名許氏翰曰蔡悔請遷及吳

罪人而委罪於駟穢國以殺殺無罪也

傳二年春伐邾將伐絞絞邾邑○當在兗州府滕縣境邾人愛其土故

賂以鄆沂之田而受盟

○初衛侯遊于郊子南僕子南靈公子公曰余無子將

立女崩贖奔無夫子不對他日又謂之對曰郚不足以辱社

稷君其改圖君夫人在堂三揖在下三揖婦大夫士○孔疏周禮司士云孤卿

特揖大夫以其等旅揖士旁三揖鄭玄云特揖一一揖之旅衆也大夫君

命祗辱言立適當以禮與外內同之今君私命事必不從適為辱夏衛靈公卒夫人曰命

公子郚為大夫君命也對曰郚異於他子言用意不同且

君沒於吾手

○君薨時在左右

若有之。郢必聞之。

言當以臨殯為正

且

亡人之子輒在

輒蒯賁之子出公也。靈公適孫

乃立輒。六月乙酉，晉趙

鞅納衛太子于戚，宵迷。陽虎曰：「右河而南，必至焉。」

是時河北流過元城界，戚在河外。晉軍已渡河，故欲出河右而南。

使太子繞

繞者始發喪之服。繞音問。

八人

衰經，偽自衛逆者。

欲為衛人逆，故衰經成服。

告於門，哭而入，遂居之。

○秋八月，齊人輸范氏粟，鄭子姚子般送之。

子姚，罕達子般。

駟弘。般音班。

士吉射逆之。趙鞅禦之，遇於戚。陽虎曰：「吾車

少，以兵車之旆與罕駟兵車先陳。

旆，先驅車也。以先驅車，益其兵車，以示眾。陳去聲。

罕駟自後隨而從之。彼見吾貌，必有懼心。

晉人先陳，鄭人隨之，不知。

其虛實見車多必懼。傅氏遜曰：設施於軍前，威為軍容。與罕駟兵車在前者相對，彼自後望之，不知虛實，故懼。於是乎會之。

戰會合必大敗之。從之卜戰龜焦兆不樂丁曰：詩曰：爰始

爰謀。爰契我龜。樂丁晉大夫詩。大雅言先人事。後卜筮。契灼也。謀協以故兆詢可

也。詢詰詢也。故兆始納衛天子卜得吉兆。言今既謀同。可不須更卜。言謀既合，但以故兆相諮詢可也。簡子誓曰：范

氏中行氏反，易天明。不事君也。天有尊卑，人有上下。下事上，臣事君。法則天之明道。臣不事君，是反易天之

明道也。斬艾百姓，欲擅晉國，而滅其君。寡君恃鄭而保

焉。今鄭為不道，弃君助臣。二三子順天明，從君命。

經德義。不除君惡，則德義廢矣。宜經紀德義，使不壞也。除詬恥，在此行也。克敵

者，上大夫受縣，下大夫受郡。周書作雒篇，千里百縣。縣有四郡。艾，魚廢反。士田

十萬十萬庶人工商遂得遂人臣隸圉免去廩役。公羊何休注艾草為防者曰廩

汲水漿者曰役韋昭漢書注析薪曰廩志父無罪君實圖之志父趙簡子之一名也言已事濟君當圖其實

若其有罪絞縊以戮絞所以縊人物桐棺三寸不設屬辟屬辟棺之

重數王棺四重君再重大夫一重。屬音燭次大棺也辟步履反親身棺也。王棺四重被水牛及咒之革為一重辟為二重屬為三重次棺為四重君

再重屬與辟為一重大棺為再重大夫惟屬與大棺為一重今云不設辟者時儻耳非正禮也素車樸馬以載無入

于兆兆葬下卿之罰也為衆設賞自設罰所以能克敵甲戌將戰郵無恤

御簡子衛太子為右郵無恤王良也登鐵上鐵邱名。今直隸大名府開州北有戚城其南

為王合里即鐵邱也望見鄭師衆太子懼自投于車下子良授

太子綏而乘之曰婦人也言其怯簡子巡列曰畢萬匹

夫也七戰皆獲有馬百乘死於牖下

畢萬晉獻公卿也皆獲有功死於牖

下言得

壽終

羣子勉之死不在寇

言有命

繁羽御趙羅宋勇為

右三子晉大夫

羅無勇縻之

縻束縛也。縻邱隕反。趙羅無勇不能乘車束縛之使在於車

吏詰

之御對曰疝作而伏

疝瘡疾也。疝詩占反

衛太子禱曰曾孫蒯

賁敢昭告皇祖文王

周文王皇大也

烈祖康叔

烈顯也

文祖襄公

繼世守文故曰文祖蒯賁襄公之孫

鄭勝亂從

勝鄭聲公名釋君助臣為從於亂

晉午在難

午晉定公

名。難去聲

不能治亂使鞅討之

鞅簡子名

蒯賁不敢自佚備持

矛焉

戎右持矛

敢告無絕筋無折骨無面傷以集大事無

作三祖羞

集也

大命不敢請

已之身命不敢私請苟以求生

佩玉不敢

愛不敢愛故以祈禱。禱請用玉在軍無珪璧故以佩。鄭人擊簡子中肩斃于車中

斃臨也。獲其逢蠶旗逢旗旗名。太子救之以戈。鄭師北。獲温大夫

趙羅羅無勇故鄭師雖北猶獲羅。太子復伐之。鄭師大敗。獲齊粟于

車。趙孟喜曰：可矣。趙孟簡子也。喜大子前怯。今更勇。傅僂曰：雖克鄭猶

有知在憂未艾也。傅僂簡子屬也。言知氏將為難。後竟有晉陽之患。僂音叟。初，周人與

范氏、田公、孫尤稅焉。范氏臣為范氏收。周人所與田之稅。趙氏得而獻之

得尤以獻簡子。吏請殺之。趙孟曰：為其主也。何罪？止而與之

田還其所稅。及鐵之戰，以徒五百人宵攻鄭師，取蠶旗於

子姚之幕下。獻曰：請報主德。追鄭師。姚般、公孫林

殿而射前列多死

晉前列。姚綏子。姚子般射音石。

趙孟曰國無小

言雖小國

猶有善射者

既戰簡子曰吾伏弋嘔血

弋弓衣嘔吐也。弋吐刀反。

鼓音不

衰今日我上也

功為上

大子曰吾救主於車退敵於下

我右之上也郵良曰我兩靽將絕吾能止之

止使不絕。靽

以皮為之所以約馬骨而引車軸者

我御之上也駕而乘材兩靽皆絕

細小也。傳言簡子不讓下自伐。乘載也。

○吳洩庸如蔡納聘而稍納師師畢入眾知之

元年蔡納

遷于吳中悔故因聘襲之

蔡侯告大夫殺公子駟以說

殺駟以說吳者不時遷駟之為

哭

而遷墓

將遷與先君辭故哭

冬蔡遷于州來

經三年春齊國復衛石曼姑帥師圍戚曼姑為子圍父知其不義故推

齊使為兵首戚不稱衛非叛人 ○夏四月甲午地震無傳 ○五月辛卯桓

宮僖宮災曰天火 ○季孫斯叔孫州仇帥師城啓陽無傳

范氏故懼晉七年四城啓陽今琅邪開陽縣今山東兗州府沂州北十五里有開陽故城本鄰國後屬魯名啓陽也 ○宋欒髡

帥師伐曹無傳 ○秋七月丙子季孫斯卒 ○蔡人放

其大夫公孫獵于吳無傳公子駟之黨 ○冬十月癸卯秦伯

卒無傳不書名未同盟 ○叔孫州仇仲孫何忌帥師圍邾無傳

傳三年春齊衛圍戚求援于中山中山鮮虞

○夏五月辛卯司鐸火司鐸官名踰公宮桓僖災桓公僖公廟

救火者皆曰顧府言常人愛財南宮敬叔至命周人出御

書侯於宮敬叔孔子弟子南宮闕周人司周書典籍之官御書進於君者也使待命於宮曰龙女而不

在死龙其也。龙匹婢反。言具汝所職而有不在其罪死子服景伯至命宰人出禮

書景伯子服何也宰人冢宰之屬以待命命不共待求之命有常刑校人乘馬

巾車脂轄校人掌馬巾車掌車乘馬使四四相從為駕之易。乘去聲下同為于偽反百官官備府

庫慎守官人肅給國有火災恐有變難故慎為備濟濡帷幕鬱攸從之

鬱攸火氣也濡物於水出用為濟。從火氣而為之備蒙茸公屋以濡物冒覆公屋自大廟始外

內以悛悛次也先尊後卑以次救之。悛七全反助所不給有不用命則有常

刑無赦公父文伯至命校人駕乘車乘車公車季桓子至

御公立于象魏之外象魏門闕命救火者傷人則止財可

為也命藏象魏周禮正月縣教令之法于象魏使萬民觀之故謂其書為象魏曰舊章不可

亡也富父槐至曰無備而官辨者猶拾瀋也槐富父終生之

後潘汗也言不備而責辨不可得○潘尺審反於是乎去表之橐表表火道風所向者去其橐積道還

公宮開除道周而公宮使火無相連○還又作環戶關反孔子在陳聞火曰其桓僖乎

言桓僖親畫而廟不毀宜為天所災○季氏出桓公又為僖公所立故不毀其廟

○劉氏范氏世為婚姻劉氏周鄉士范氏晉大夫長弘事劉文公為之屬大

夫故周與范氏趙鞅以為討責周與范氏六月癸卯周人

殺長弘終違天之禍○孔疏文公以定四年卒也為之屬大夫謂當略公之世也此時文公已卒長弘知政以己先事劉子劉氏又與

范氏親至掘國權遂與范

氏故周人殺之以說於晉

○秋季孫有疾命正常曰無死正常桓子之寵臣欲付以南

孺子之子男也則以告而立之南孺子季桓子之妻言女

也則肥也可肥東子也季孫卒康子即位既葬康子在朝

在公朝也南氏生男正常載以如朝告曰天子有遺言命

其圍臣曰南氏生男則以告於君與大夫而立之

今生矣男也敢告遂奔衛康子請退退辟位也公使其劉

視之共劉魯大夫則或殺之矣乃討之討殺召正常正常

不反畏康子也傳備言季氏家事

○冬十月晉趙鞅圍朝歌師于其南范中行所在荀寅伐

其郭伐其北郭圍使其徒自北門入已犯師而出荀寅使在外救己之徒擊

趙氏圍之北門因外內攻得出癸丑奔邯鄲十一月趙鞅殺士臯夷惡

范氏也惡范氏而殺其族言遷怒

經四年春王二月庚戌盜殺蔡侯申賤者故稱盜不言弑其君賤盜也

案宣十七年蔡侯申卒是文侯也今昭侯是其女孫不容與高祖同名未審何者誤○殺公毅作弑蔡公孫辰出奔

吳弑君賊之黨故書名○葬秦惠公無傳○宋人執小邾子無傳邾子無道

於其民故稱人以執稱人以執非伯討也○夏蔡殺其大夫公孫姓公孫霍

皆弑君黨○晉人執戎蠻子赤歸于楚晉恥為楚執諸侯故稱人以告若蠻子不

道於其民也。赤本屬楚，故言歸。○胡傳其曰：晉人云者，罪之也。文公執曹伯，則曰：界宋人。今此曷云歸于楚？歸于楚者，猶曰：京師楚也。晉主夏盟，為日久矣，不競至此。

春秋所惡 ○城西郭無傳魯西郭備晉也 ○六月辛丑，亳社災。無傳天火

也。亳社，殷社，諸侯有之，所以滅亡國。○亡國之社有屋，故災。 ○秋八月甲寅，滕子結卒。無傳

於臯 ○冬十有二月，葬蔡昭公。無傳亂故是心疑 ○葬滕頃公。

無傳

傳

傳

傳

傳

傳

傳

傳

傳

傳

傳

傳

傳

傳

傳

傳四年春，蔡昭侯將如吳，諸大夫恐其又遷也，承

承音懲蓋楚言也公孫翩逐而射之，入於家人而卒。翩蔡大夫入於凡

人之家，以兩矢門之，眾莫敢進。翩以矢自守其門文之錯後至

錯蔡大夫曰：如牆而進，多而殺二人。併行如錯執弓而

錯音楷

先翩射之中肘錯遂殺之故逐公孫辰而殺公孫

姓公孫盱

盱即霍也。盱况于反。

○夏楚人既克夷虎

夷虎蠻夷叛楚者

乃謀北方左司馬販

申公壽餘葉公諸梁致蔡於負函

三子楚大夫也此蔡之故地人民奔因以為邑

致之者會其眾也。販普版反致方城之外於緡關

負函緡關皆楚地。緡才陵反。負函當在今河南汝寧

府信陽州

曰吳將沂江入郢

逆流

將奔命焉為一昔之期襲

梁及霍

偽辭當備吳夜結期明日便襲梁霍使不知之梁河南梁縣西南故城也梁南有霍陽山皆蠻子之邑也。一昔一夜也。

單

浮餘圍蠻氏蠻氏潰

浮餘楚大夫。單音善。

蠻子赤奔晉陰地

陰地河南

山北自上雒以東至陸渾

司馬起豐析與狄戎

楚司馬販也析縣屬南鄉郡析南有豐鄉皆楚邑發此二邑人

及戎狄。○今河南南陽府淅川縣及內鄉縣之西北境。皆析地也。淅川縣西南有豐鄉城。其地與鄖陽相接。以臨上雒。左

師軍于菟和。菟和山在上雒東也。○菟音徒。○今陝西右師軍

于倉野。倉野在上雒縣。○今商州東南有倉野。聚三邑之兵與戎狄之衆以臨上雒。而分軍為二以脅晉人也。使謂陰

地之命大夫士蔑。命大夫別縣監尹。○孔疏陰地者河南山北東西橫長其間非一邑也。若是與邑大夫則當以

邑冠之。乃言陰地之命大夫。則是特命大夫使總監陰地。故以為別縣監尹也。曰。晉楚有盟。好惡同之。

若將不廢寡君之願也。不然將通於少習。以聽命。

少習商縣武關也。將大開武關道以伐晉。○武關在今商州東少習山下。士蔑請諸趙孟。趙孟曰。晉

國未寧。安能惡於楚。必速與之。未寧時有范中行之難。士蔑乃致

九州之戎。九州戎在晉陰地陸渾者。將裂田以與蠻子。而城之。以詐蠻子。且

將為之卜城蠻子聽卜遂執之與其五大夫以界

楚師于三戶今丹水縣北三戶亭○今浙川縣西南有三戶城司馬致邑立宗焉以

誘其遺民楚復詐為蠻子作邑立其宗主而盡俘以歸

○秋七月齊陳乞弒施衛甯跪救范氏陳乞僖子弒施弦多庚

午圍五鹿五鹿晉邑九月趙鞅圍邯鄲冬十一月邯鄲降

荀寅奔鮮虞趙稷奔臨臨晉邑○今直隸真定府臨城縣東有臨城故城十二月弦

施逆之遂墮臨○墮許規反稷初奔臨欲據臨距圍今弦施逆稷欲納之他邑以臨險固故毀之國夏

伐晉取邢任欒郤逆時陰人孟壺口八邑晉地欒在趙圍平棘縣西北郤即高

邑縣也路縣東有壺口關○任音壬鄒呼洛反時音止○今欒城縣及趙州北境皆古欒邑地柏鄉縣北故城鎮即故郤城地晉高邑也俱屬真定府

道元以逆時為曲逆今曲逆故城在直隸保定府完縣東南二十里
壺口關在今山西潞安府黎城縣東北太行山口俗名吾兒峪是也
會鮮

虞納荀寅于柏人
晉邑也今趙國柏人縣也
趙施與鮮虞會也
今直隸順德府唐山縣西有柏人故城

經五年春城毗
無傳備晉也
毗頻夷反
○夏齊侯伐宋
無傳
○晉趙

鞅帥師伐衛
○秋九月癸酉齊侯杵臼卒
再同盟也
○冬

叔還如齊
音旋
○閏月葬齊景公
無傳

傳五年春晉圍柏人荀寅士吉射奔齊初范氏之

臣王生惡張柳朔言諸昭子使為柏人
為柏人宰也
昭子范吉射
昭

子曰夫非而讎乎對曰私讎不及公
公家之事也
好不廢

過惡不去善義之經也臣敢違之及范氏出
出柏人
奔齊

好惡並去聲去上聲張柳朔謂其子爾從主勉之我將止死王

生授我矣授我死節吾不可以僭之遂死於柏人為吉射距晉戰死

○夏趙鞅伐衛范氏之故也遂圍中牟衛助范氏故也

○齊燕姬生子不成而死燕姬景公夫人不成未冠也諸子嚮如之

子荼嬖諸子庶公子也嚮如景公妾荼安孺子嚮音育諸大夫恐其為犬子也言

於公曰君之齒長矣未有犬子若之何公曰二三

子閒於憂虞則有疾疾亦姑謀樂何憂於無君景公意欲

立荼而未發故以此言塞大夫請閒音閑公疾使國惠子高昭子立荼惠子國夏昭子

高張寘羣公子於萊萊齊東鄙邑○今山東登州府黃縣東南有萊子城是也秋齊景公卒

冬十月公子嘉公子駒公子黔奔衛公子鉏公子

陽生來奔

皆景公子在萊者

萊人歌之曰景公死乎不與埋

三軍之事乎不與謀師乎師乎何黨之乎

師衆也黨所也之往也稱

謚蓋葬後而為此歌哀羣公子失所○與去聲

○鄭駟秦富而侈嬖大夫也而常陳卿之車服於

其庭鄭人惡而殺之子思曰詩曰不解于位民之

攸暨

子思子產子圍參也詩大雅攸所也暨息也

不守其位而能久者鮮矣商

頌曰不僭不濫不敢怠皇命以多福

僭差也濫溢也皇暇也言駟秦違詩商頌

禍故受

經六年春城邾瑕無傳備晉也任城亢父縣北有邾婁城今在山東濟寧州南十里○晉趙鞅

帥師伐鮮虞○吳伐陳○夏齊國夏及高張來奔

二子阿君廢長立少既受命又不能全書名罪之也○叔還會吳于相無傳相莊加反○秋七

月庚寅楚子軫卒未同盟而赴以名○齊陽生入于齊為陳乞所逆故

書入齊陳乞弑其君荼弑荼者朱毛與陽生也而書陳乞所以明乞立陽生而荼見弑則禍由乞始也楚比劫立

陳乞流涕子家憚老皆疑於免罪故春秋明而書之以為弑主○冬仲孫何忌帥師伐邾無傳

宋向巢帥師伐曹無傳

傳六年春晉伐鮮虞治范氏之亂也四年鮮虞納首寅于柏人

○吳伐陳復脩舊怨也元年未得志故也楚子曰吾先君與

陳有盟不可以不救乃救陳師于城父陳盟在昭十三年

○齊陳乞僞事高國者高張國夏受命去茶陳乞欲害之故先僞事焉每朝必駢

乘焉所從必言諸大夫言其罪過曰彼皆偃蹇將弃子之

命偃蹇驕敖皆曰高國得君得君寵也必偏我盍去諸固將謀子

子早圖之圖之莫如盡滅之需事之下也需疑也及朝

則曰彼虎狼也見我在子之側殺我無自矣請就

之位欲與諸大夫謀高國故求就之又謂諸大夫曰二子者禍矣恃得

君而欲謀二三子曰國之多難貴寵之由盡去之

而後君定既成謀矣盍及其未作也先諸作而後

悔亦無及也。大夫從之。夏六月戊辰，陳乞鮑牧鮑牧

及諸大夫以甲入于公宮。昭子聞之，與惠子乘如

公戰于莊，敗。高國敗也。莊六執之道。國人追之，國夏奔莒，遂及高

張晏圍弦施來奔。圍晏與之子圍施不書，非卿。

○秋七月，楚子在城父，將救陳，卜戰不吉，卜退不

吉。王曰：「然則死也，再敗楚師，不如死。」前已敗於柏舉，今若退還亦是敗。弃

盟逃讎，亦不如死。死一也，其死讎乎？命公子申為

王不可，則命公子結，亦不可，則命公子啓。申子西，結子期，啓子閭，皆

昭王五辭而後許，將戰。王有疾，庚寅，昭王攻大冥，卒。

春秋左傳卷之六 長公 卷六

于城父大冥陳地吳師所在。○當在河南開封府陳州項城縣境。子闔退曰。君王舍其子

而讓羣臣。敢忘君乎。從君之命。順也。從命許立。立君之子。

亦順也。二順不可失也。與子西子期謀。濟師閉塗。

逆越女之子章。立之。而後還。潛師密發也。閉塗不通外使也。越女昭王妾。章惠王。是歲

也。有雲如衆赤鳥。夾日以飛三日。楚子使問諸周

大史。周大史曰。其當王身乎。日為人君妖氣守之。故以為當王身。雲在楚上。唯楚見之。故禍不及

他若禁之。可移於令尹司馬。禁。禮祭。禁音詠。王曰。除腹心之

疾。而寘諸股肱。何益。不穀不有大過。天其夭諸。有

罪受罰。又焉移之。遂弗禁。初。昭王有疾。卜曰。河為

崇王弗祭大夫請祭諸郊王曰三代命祀祭不越

望諸侯望祀竟內山川星辰江漢睢漳楚之望也四水在楚界禍福之至

不是過也不穀雖不德河非所獲罪也遂弗祭孔

子曰楚昭王知大道矣其不失國也宜哉夏書曰

惟彼陶唐帥彼天常逸書言堯稱天之常道今五子之歌有此冀方今失

其行亂其紀綱乃滅而亡滅亡謂夏桀也唐虞及夏同都冀州不

又曰允出茲在茲由已率常可矣又逸書言信出已則禍亦在已今大禹謨

○八月齊邴意茲來奔高國

○陳僖子使召公子陽生名在七月今在八月下記事之次陽生駕而

哀公 七 成

見南郭且于

且于齊公子鉅在魯南郭。且于餘反。

曰嘗獻馬於季孫不入

於上乘故又獻此請與子乘之

畏在家人聞其言故欲二人共載以試馬為辭。上乘繩

證出萊門而告之故

魯郭門也

闕止知之先待諸外

闕止陽生家臣

子我也待外欲俱去

公子曰事未可知反與壬也處

壬陽生

戒之

遂行

戒使無洩言

逮夜至於齊國人知之

故以昏至不欲令人知也國人知而不言言陳

氏得

僖子使子士之母養之

隱於僖子家內子士母僖子妾

與饋者皆入

陳僖子又令陽生隨饋食之人入處公宮

冬十月丁卯立之將盟

盟諸大夫

鮑子醉而

往其臣差車鮑點

點鮑牧臣也差車主車之官。差所宜反

曰此誰之命也陳

子曰受命于鮑子遂誣鮑子曰子之命也

見其醉故誣之鮑

子曰女忘君之為孺子牛而折其齒乎而背之也

孺子茶也景公嘗銜繩為牛使茶牽之茶頓地故折其齒悼公稽首悼公陽生曰吾子奉義而行

者也若我可不必亡一大夫言已可為君必不然鮑子若我不可不

必亡一公子公子自謂也恐鮑子殺已故要之義則進否則退敢不唯

子是從廢與無以亂則所願也鮑子曰誰非君之

子乃受盟言陽生亦君之子固可立使胡姬以安孺子如賴胡姬景公妾也賴齊邑名

也去齊如母茶之殺王甲拘江說囚王豹於甸實之邱

三子景公嬖臣茶之黨也說音悅句音鈞公使朱毛告於陳子朱毛齊大夫曰微子

則不及此然君異於器不可以二器二不匱君二

多難敢布諸大夫。○是時陳氏專擅國政如二君然。僖子不對而泣曰：

君舉不信羣臣乎？也舉皆以齊國之困困又有憂又有饑

又有兵革之憂少君不可以訪。是以求長君庶亦能容羣臣

乎。不然夫孺子何罪。毛復命公悔之。言毛曰：君大

訪於陳子而圖其小可也。大謂國政小謂殺茶使毛遷孺子於

駘不至。殺諸野幕之下。葬諸及冒淳。恐駘人不從故毛於於野張帳而殺之駘

齊邑及冒淳地名實以冬殺經書秋者史書秋記始事遂迎其死通以冬告魯。駘他才反

經七年春宋皇瑗帥師侵鄭。○瑗于養反○晉魏曼多帥

師侵衛。○夏公會吳于鄆。鄆今琅邪鄆縣。鄆才陵反○秋公伐邾

八月己酉入邾以邾子益來他國言歸於魯言來外內之辭 ○宋人圍

曹冬鄭駟弘帥師救曹

傳七年春宋師侵鄭鄭叛晉故也定八年鄭始叛

○晉師侵衛衛不服也五年晉伐衛至今未服

○夏公會吳于郟吳欲霸中國 吳來徵百牢子服景伯對

曰先王未之有也吳人曰宋百牢我是時吳過宋得百牢 魯不

可以後宋且魯牢晉大夫過十晉大夫范鞅也 吳王百

牢不亦可乎景伯曰晉范鞅貪而弃禮以大國懼

敝邑故敝邑十一牢之君若以禮命於諸侯則有

數矣。有常數。○周禮大行人云。上公九牢。諸侯七牢。子男五牢。若亦蒞禮則有燭者矣。禮也。

過子周之王也。制禮上物不過十二。上物天子之牢。○陸氏

常數以為天之數也。天有十二次。故制禮象之。今弃周禮而白

必百牢亦唯執事。吳人弗聽。景伯曰。吳將亡矣。弃

天而背本。違周為背本。○弃天十不與必弃疾於我。放弃凶

擊我乃與之。大宰嚭召季康子。嚭吳大夫康子使子貢辭。大

宰嚭曰。國君道長。蓋言君長大於而大夫不出門。此何

禮也。對曰。豈以為禮畏大國也。畏大國不敢大國不以

禮命於諸侯。苟不以禮。豈可量也。寡君既共命焉。

其老豈敢弃其國。大伯端委以治周禮。仲雍嗣之。

斷髮文身。羸以為飾。豈禮也哉。有由然也。大伯周大王之長子。仲雍

大伯弟也。大伯仲雍讓其弟季歷。俱適荆蠻。遂有民衆。大伯卒。無子。仲雍嗣立。不能行禮。致化。故效吳俗。言其權時制宜。以辟災害。非以為禮也。端委。禮衣也。○斷音短。越人常在水中。故斷其髮。文其身。以象龍子。故不見傷害。端委。委貌之冠。立端之衣也。

反自郛。以吳為

無能為也。弃禮知其不能霸也。

○季康子欲伐邾。乃饗大夫以謀之。子服景伯曰。

小所以事大。信也。大所以保小。仁也。背大國不信。

伐小國不仁。民保於城。城保於德。失二德者危。

將焉保。二德信與仁也。孟孫曰。下三子以為何如。惟諸大夫不惡言。故指問之。

賢而逆之

孟孫賢景伯欲使大夫不逆其言惡變也。音烏。言景伯賢人也安有賢人之言而可違之。對曰

合諸侯於塗山執玉帛者萬國

諸大夫對也諸侯執玉帛。今

其存者無數十焉唯大不字小小不事大也

言諸侯相伐古

來以知必危何故不言

知伐邾必危自當言今不言者不危故也大夫以答孟孫所怪且阿附季孫魯德

如邾而以衆加之可乎

孟孫意答大夫今魯德無以勝邾但欲恃衆可乎言不可。馮氏季驥曰此上

皆諸大夫語言列國至今相胥以亡者皆由背大國伐小國而然今魯背吳伐邾知危而不言者非不言乃言而無益耳况魯德如邾何可以亂治亂耶

蓋諸大夫皆與季孫不合故不樂而出

不樂而出

季孟意異佞直不同故罷饗

秋伐邾及范門

邾郭門也猶聞鐘聲

邾不德寇

大夫諫不聽茅成子請告於吳

成子邾大夫茅夷鴻

不許曰魯擊柝聞於邾

言以近

吳二千里不三

月不至何及於我且國內豈不足言足以成子以茅

叛高平西南有茅鄉亭。在今山東兗州府金鄉縣西北四十里師遂入邾處其公宮衆師

晝掠虜掠取財物也。掠音亮邾衆保于繹繹邾山也。在邾縣北師宵掠以邾子

益來益邾隱公也晝夜掠傳言康子無法獻于亳社以其亡國亦與殷同囚諸負瑕負

瑕故有繹負瑕魯邑高平南平陽縣西北有瑕邱城前者魯得邾之繹民使在負瑕故使相就以辱之。瑕邱城在今兗州府

滋陽縣西二十五里邾茅夷鴻以束帛乘韋自請救於吳無君命故言自

○乘去聲曰魯弱晉而遠吳馮恃其衆馮依而背君之盟辟

君之執事辟音僻以陵我小國邾非敢自愛也懼君

威之不立君威之不立小國之憂也若夏盟於鄆

行部行即部也部盟不書吳行夷禮禮儀不典非所以結信義故不錄秋而背之成求而不違言其

所求無四方諸侯其何以事君且魯賦八百乘君之

貳也貳敵也魯以八百乘之邾賦六百乘君之私也為魯以

私奉貳唯君圖之吳子從之為明年吳伐我傳

○宋人圍曹鄭桓子思曰宋人有曹鄭之患也不

可以不救桓冬鄭師救曹侵宋初曹人或夢衆君

子立于社宮社宮社也而謀亡曹曹叔振鐸請待公孫彊

許之振鐸曹始祖旦而求之曹無之戒其子曰我死爾聞

公孫彊為政必去之及曹伯陽即位好田弋曹郟

人公孫彊好弋獲白鴈獻之且言田弋之說說之

因訪政事大說之有寵使為司城以聽政夢者之

子乃行彊言霸說於曹伯曹伯從之乃背晉而奸

宋宋人伐之晉人不救築五邑於其郊曰黍邱揖

邱大城鍾邾為明年入曹傳也梁國下邑縣西南有黍邱亭○邢音于○下邑即今之夏邑也屬河南歸德府黍邱亭在縣

西

經八年春王正月宋公入曹以曹伯陽歸曹人背晉而奸宋是以致

討宋公既還而不忍褚師之誼怒而反兵一舉滅曹滅非本志故以入告○湛氏若水曰書宋公入曹以曹伯陽歸罪滅國也入曹俘君不必言滅而實滅也

○吳伐我○夏齊人取讎及闞不書伐兵未加而魯與之邑闞在東平剛縣北○今山東

兗州府寧陽縣本魯關邑地故剛城在縣東北三十五里

○歸邾子益于邾○秋七月○

冬十有二月癸亥杞伯過卒

無傳未同盟而赴以名○過平聲

○齊人

歸謹及闡

不言來命歸之無旨使也

傳八年春宋公伐曹將還褚師子肥子肥宋大夫

曹人

詬之不行

詬詈辱也不行殿兵止也

師待之公聞之怒命反之遂滅

曹執曹伯及司城彊以歸殺之

終曹人之夢

○吳為邾故將伐魯問於叔孫輒

問可伐不輒故魯人○定十二年輒與不狃襲

魯兵敗奔齊後自齊奔吳

叔孫輒對曰魯有名而無情

有大國名無情實

伐之

必得志焉退而告公山不狃

不狃亦魯人

公山不狃曰非

禮也。君子違不適，讎國違奔亡也。未臣而有伐之，奔命焉。

死之可也。未臣所適之國若有伐本國者則可還奔命死其難。所託也，則隱。曾所因託則為之隱惡。既託

所適之國則隱。且夫人之行也，不以所惡廢鄉。不以其私怨惡廢奔其鄉

黨之好。惡去聲。今子以小惡而欲覆宗國，不亦難乎？輒魯公族故謂

之宗國。若使子率，子必辭。王將使我子張病之。子張輒也

率引導，非為帥也。王問於子洩，子洩不狃對曰：魯雖無與立

以二人知魯道故。必有與斃。急則人人知懼，皆將同死戰。諸侯將救之，未可以

得志焉。晉與齊楚輔之，是四讎也。與魯而四夫魯齊晉之

脣，脣亡齒寒。君所知也，不救何為？三月，吳伐我子

洩率故道險從武城故由險道欲使魚成備初武城人或有因於

吳竟田焉僑田拘鄆人之漚管者曰何故使吾水滋

鄆人亦僑田吳滋濁也及吳師至拘者道之以伐武城克

之鄆人教吳必可克道督導王犯嘗為之宰澹臺子羽之父好焉

國人懼王犯吳大夫故嘗奔魯為武城宰澹臺子羽武城人孔子弟子也其父與王犯相善國人懼其為內應澹待甘反懿子

謂景伯若之何對曰吳師來斯與之戰何患焉且

召之而至又何求焉言犯盟伐邾所以召吳吳師克東陽而進舍

於五梧明日舍於蠶室三邑魯地東陽在兗州府費縣西南七里今名關陽詣五梧城在費縣西

公賓庚公甲叔子與戰于夷獲叔子與析朱鉏公賓庚公

甲叔子并析朱鉏為三人皆同車傳互言之三獻於王王曰此同車必使能國未

可望也同車能俱死是國能使人故不可望得明日舍于庚宗遂次於泗上

微虎欲宵攻王舍微虎魯大夫私屬徒七百人三踊於幕

庭於帳前設格令士試躍之○屬音燭卒三百人有若與焉卒終也終得三百人任行有若孔子弟子

與在三及稷門之內三百人行至稷門或謂季孫曰不足以害

吳而多殺國士不如已也乃止之吳子聞之一夕

三遷畏微虎也吳人行成求與魯成將盟景伯曰楚人圍宋易子

而食析骸而爨在宣十五年猶無城下之盟我未及虧而

有城下之盟是弃國也吳輕而遠不能久將歸矣

請少待之弗從景伯負載造於萊門以言不見從故負載

聲乃請釋子服何於吳吳人許之以王子姑曹當

之而後止釋舍也魯人不可以盟為了欲因留景伯為質於吳既得吳之許復求吳王之子以交質吳人不欲留王子故遂兩止吳

人盟而還不書盟恥吳夷

○齊悼公之來也在五季康子以其妹妻之即位而

逆之季魴侯通焉魴侯康子叔父○魴音房女言其情弗敢與也齊

侯怒夏五月齊鮑牧帥師伐我取讎及闞

○或譖胡姬於齊侯胡姬景公妾曰安孺子之黨也六月

齊侯殺胡姬傳言齊侯無道所以不終

○齊侯使如吳請師將以伐我乃歸邾子

齊未得季姬故請師也吳

前為邾討魯懼二國同心故歸邾子

邾子又無道吳子使大宰子餘討之

子餘大宰

囚諸樓臺楸之以棘

楸楸也。楸在薦反。

使諸大夫奉大

子葦以為政

葦邾大子桓公也為十年邾子來奔傅

○秋及齊平九月臧賔如如齊涖盟

賔如臧會子

齊閭邱

明來涖盟

明閭邱嬰之子也盟不書諱略之

且逆季姬以歸嬖

季姬訪侯所通者

○鮑牧又謂羣公子曰使女有馬千乘乎

有馬千乘使為君也鮑牧

本不欲立陽生故諷動羣公子

公子愬之公謂鮑子或譖子子姑居於

涖以察之

涖齊邑。言待我察之

若有之則分室以行若無之則

反子之所出門使以三分之一行半道使以二乘

及潞麋之以入遂殺之麋亦束縛。麋邱隕反。

○冬十二月齊人歸讜及闡季姬嬖故也

經九年春王二月葬杞僖公無傳三月而葬速○宋皇瑗帥

師取鄭師于雍邱書取覆而敗之雍邱縣屬陳留。雍於勇反。今河南開封府杞縣治也。○夏楚

人伐陳○秋宋公伐鄭○冬十月

傳九年春齊侯使公孟綽辭師于吳齊與魯平。故辭吳師。吳子

曰昔歲寡人聞命今又革之不知所從將進受命

於君為十年吳伐齊傳

○鄭武子賡之嬖許瑕求邑無以與之賡罕達也瑕武子之屬。賡以

證請外取許之瑕請取於他國也故圍宋雍邱宋皇瑗圍鄭

師許瑕師每日遷舍作壘整成韓徙舍合其圍壘合鄭師哭子姚救之大

敗子姚武子賡也二月甲戌宋取鄭師于雍邱使有能者無

死惜其能也以邾張與鄭羅歸鄭之有能者

○夏楚人伐陳陳即吳故也

○宋公伐鄭報雍邱

○秋吳城邾溝通江淮於邾江築城穿溝東北通射陽湖西北至宋口入淮通糧道也今廣陵邾江是

邾音寒射食亦反

○晉趙鞅卜救鄭遇水適火

水火之兆。服氏虔曰兆南行。適火卜法。橫者為土。立者為木。

邪向經者為金。背經者為火。因兆而細曲者為水。

占諸史趙史墨史龜

皆晉史

史龜曰

是謂沈陽

火陽得水故沈

可以興兵

兵陰類也故可以興兵

利以伐姜不利

子商

姜齊姓子商謂宋

伐齊則可敵宋不吉史墨曰盈水名

也子水位也

趙鞅姓孟宋姓子水位坎乃行子姓又得北方水位。泰本紀秦伯翳之後為嬴姓。趙世家云趙氏之先與秦同

祖其伯翳後世為盈泄。黃應有子二人。一曰惡來其後為秦。一曰季勝其後為趙。今卜趙鞅伐宋故以贏子二姓為占也。

名位敵不

可干也

二水俱盛故言不可干

炎帝為火師

神農有火瑞以火名官

姜姓其後也

水勝火伐姜則可史趙曰是謂如川之滿不可游

也

既盈而得水位故為如川之滿不可馮游言其波流盛

鄭方有罪不可救也

鄭以雙實伐人故以為有

非救鄭則不吉。不知其他。救鄭則當伐宋故不吉也。陽虎以周易筮之。

遇泰 乾下坤上泰 之需 乾下坎上需泰六五變 曰宋方吉不可

與也。不可與戰泰六五曰帝乙歸妹以祉元吉帝乙紂父立為天子故稱帝乙陰而得中有似王者嫁妹得如其願受福祿而大吉 微

子啓帝乙之元子也。宋鄭甥舅也。宋鄭為昏姻甥舅之國宋為微子之後今卜得

帝乙卦故以為宋吉 祉祿也。若帝乙之元子歸妹而有吉祿我

安得吉焉乃止。吉在彼則我伐之為不吉

○冬吳子使來做師伐齊。前年齊與吳謀伐魯齊既與魯成而止故吳恨之反與魯謀伐齊

經十年春王二月邾子益來奔。公會吳伐齊。書會從不

與 ○三月戊戌齊侯陽生卒。以疾赴故不書弒 ○夏宋人伐鄭

無傳 ○晉趙鞅帥師侵齊 ○五月公至自伐齊 無傳 ○葬

齊悼公 無傳 ○衛公孟彊自齊歸于衛 無傳書歸齊納之 ○薛

伯夷卒 無傳赴以名故書 ○秋葬薛惠公 無傳 ○冬楚公子結

帥師伐陳吳救陳 季子不書陳人來告不以名

傳十年春邾隱公來奔齊甥也故遂奔齊 終子貢之言

○公會吳子邾子郟子伐齊南部師于郟 郟齊地邾師不書兵并屬

吳不列於諸侯 齊人弑悼公赴于師 以說吳○吳氏漫曰當時以吳師在齊而公卒遂以為弑爾 吳子

三日哭于軍門之外徐承帥舟師將自海入齊齊

人敗之吳師乃還 承吳大夫

○夏趙鞅帥師伐齊經書侵以侵告。高氏閔曰：齊帥諸侯以戒，晉可以討矣。然趙鞅加兵於有喪之國，聖人

弗與也。故書侵。大夫請卜之。趙孟曰：吾卜於此起兵。謂往歲卜。

異乎士句矣。伐宋不吉，利以再令。事不再令。濟也。卜不襲吉。襲重也。行也。於是乎

取犁及轅。犁一名隰，濟南有隰陰縣，祝阿縣西有轅城。○今臨邑縣西有隰陰故城，本齊犁邑，禹城縣西北有瓊城，即轅也。俱屬山

東濟南府。毀高唐之郭，侵及賴而還。

○秋，吳子使來復，倣師。伐齊未得志，故為明年吳伐齊傳。

○冬，楚子期伐陳。陳即吳故。吳延州來季子救陳，謂子期

曰：二君不務德，二君，楚君也。而力爭諸侯，民何罪焉？我請退

以為子名，務德而安民，乃還。季子，吳王壽夢少子也。壽夢以襄十二年卒，至今七十七歲。

季子已能讓國年當十五六至今蓋九十餘

經十有一年春齊國書帥師伐我○夏陳轅頗出

奔鄭書名貪也○五月公會吳伐齊甲戌齊國書帥師及

吳戰于艾陵齊師敗績獲齊國書公與伐而不與戰艾陵齊地○秋

七月辛酉滕子虞母卒無傳赴以名故書之○冬十有一月葬

滕隱公無傳○衛世叔齊出奔宋書名淫也

傳十一年春齊為郕故郕在前年國書高無平帥師伐我

及清清齊地濟北盧縣東有清亭盧縣今長清縣屬山東濟南府季孫謂其宰冉求冉求魯人孔子弟子

曰齊師在清必魯故也若之何求曰一子守二子

從公御諸竟季孫曰不能自度力不能使求曰居封疆

之間封疆竟內季孫告二子二子叔孫二子不可求曰

若不可則君無出一子帥師背城而戰不屬者非

魯人也屬臣屬也言魯之羣室眾於齊之兵車羣室都

室敵車優矣一都之眾敵子何患焉二子之不欲戰

也宜政在季氏言二子恨季氏當子之身齊人伐魯而

不能戰子之恥也大不列於諸侯矣季孫使從於

朝使舟求隨侯於黨氏之溝黨氏溝朝中地武叔呼而問

戰焉問舟對曰君子有遠慮小人何知懿子強問之

對曰。小人慮材而言。量力而共者也。言子所聞非已材力所及。故不能言。

武叔曰。是謂我不成丈夫也。知冉求非已不。欲戰故不對。退而蒐乘。

蒐閱孟孺子洩帥右師。孺子孟懿子之子武伯璉。顏羽御。邴洩為右。孟氏

臣冉求帥左師。管周父御。樊遲為右。樊遲魯人孔子弟子樊須。季孫

曰。須也弱。有子曰。就用命焉。雖年少能用命。有子冉求也。季氏之甲

七千。冉有以武城人三百為已徒卒。步卒精兵。老幼守宮。

次于雩門之外。南城門也。五日。右師從之。五日乃從。言不從戰。公叔務人

務人公為。昭公子。見保者而泣。保守城者。曰。事充。難殺煩。政重。賦稅多。上不能謀。

士不能死。何以治民。吾既言之矣。敢不勉乎。既言人不能死。

已不敢不死師及齊師戰于郊。齊師自稷曲稷曲地名。師不踰

溝。樊遲曰：非不能也，不信子也。言魯師非不能踰溝也。不信子之號令也。請

三刻而踰之。與衆三刻約信如之。衆從之。如樊遲言師入齊軍。冉求

右師奔，齊人從之。遂右陳瓘、陳莊涉泗。二陳齊大夫。瓘古喚反。孟之

側後入，以為殿。之側孟氏族也。字反。抽矢策其馬曰：馬不進也。不欲

林不狃之。伍曰：走乎？不狃魯士五人為伍。敗而欲走。不狃曰：誰不如？我不如誰

而欲走曰：然則止乎？不狃曰：惡賢。言止戰惡足為賢。皆無戰志。惡音烏。徐步而

死。徐行而死。言魯非無壯士。但季孫不能使師獲甲首八十。冉求所得齊人不能師。不能

宵謀曰：齊人遁也。謀開也冉有請從之。三季孫弗許。孟

孺子語人曰。我不如顏羽。而賢於邴洩。子與孟子羽。

銳敏。子羽顏羽銳精也。敏疾也。言欲戰。我不欲戰。而能默。心雖不欲。口不言奔。洩曰。驅之。

言驅馬欲奔。公為與其嬖僮汪錡乘。皆死。皆殯。皆俱也。錡鮒鮒反。孔子

曰。能執干戈以衛社稷。可無殤也。時人疑童子當殤。孔子疏年十九至十六為長

場十五至十二為中場。十一至八歲為下場。不滿八歲以下皆為無服之殤。

其於服也。長殤中殤降成人一等。下殤降二等。此汪錡蓋長殤也。時人疑其

當降服。又葬殤之禮亦異。成人檀弓云。周人以殷人之棺槨葬。長殤以夏后氏之聖周葬。中殤下殤以有虞氏之瓦棺葬。無服之殤。并有用

矛於齊師。故能入其軍。孔子曰。義也。言能以義勇不書戰不皆陳也不書

敗勝負不殊

○夏陳轅頗出奔鄭。初。轅頗為司徒。賦封田。以嫁

公女封內之田有餘以為已大器大器鐘鼎之屬國人逐之故

出道渴其族轅咺進稻醴梁糗暇脯焉糗乾飯也。暇起九反。暇丁亂

反。咺况阮反。以稻米為醴酒。以梁米為乾飯。加薑桂曰脯。喜曰何其給也對曰器成而

具具此醴糗曰何不吾諫對曰懼先行恐言不從先見逐

○為郊戰故公會吳子伐齊欲以報也五月克博壬申至

于贏博贏齊邑也。二縣皆屬泰山中軍從王吳中軍胥門巢將上軍王子

姑曹將下軍展如將右軍三將吳大夫齊國書將中軍高

無平將上軍宗樓將下軍陳僖子謂其弟書爾死

我必得志書子占也欲獲死事之功宗子陽與閻邱明相厲也相勸厲致死子

陽宗樓也桑掩胥御國子國子國書公孫夏曰二子必死亦勅勉之將戰

公孫夏命其徒歌虞殯虞殯送葬歌曲示必死陳子行命其徒其

含玉子行陳逆也其含玉亦示必死○含去聲公孫揮命其徒曰人尋約吳髮

短約繩也八尺為尋吳髮短欲以繩貫其首東郭書曰三戰必死於此三矣三戰夷儀

五氏與今使問弦多以琴弦多齊人也六年奔魯問遺也曰吾不復見子矣言將死戰

陳書曰此行也吾聞鼓而已不聞金矣鼓以進軍金以退軍不聞金言

將死也傳言兵師殯齊人皆自知將敗甲戌戰于艾陵展如敗高子齊生軍敗國子

敗胥門巢吳上軍亦敗王卒助之大敗齊師獲國書公孫

夏間邱明陳書東郭書革車八百乘甲首三千以

獻于公公以兵從將戰吳子呼叔孫叔孫武曰而事何

也問何對曰從司馬從吳司馬所命王賜之甲劍鉞鉞音悲反曰奉

爾君事敬無廢命叔孫未能對衛賜進賜子貢孔子弟子也○子貢衛

人故稱曰州仇奉甲從君而拜拜受之公使大史固歸國

子之元歸於齊也元首也吳以獻魯寘之新篋對篋也○加

組帶焉寘書于其上曰天若不識不衷何以使下

國言天識不善故殺國子

○吳將伐齊越子率其眾以朝焉王及列士皆有

饋賂吳人皆喜唯子胥懼曰是豢吳也夫豢養也若人養犧牲非愛

之將殺之諫曰越在我心腹之疾也壤地同而有欲於我

欲得夫其柔服求濟其欲也不如早從事焉從事得志

於齊猶獲石田也無所用之石田不可耕越不為沼吳其

泯矣使醫除疾而曰必遺類焉者未之有也盤庚

之誥曰其有顛越不共則劓殄無遺育無俾易種

于茲邑盤庚商書也顛越不共從橫不承命者也劓割也殄絕也育長也俾使也易種轉生種類是商所以與

也今君易之將以求大不亦難乎弗聽使於齊屬

其子於鮑氏為王孫氏私使人至齊屬以其子改姓為王孫欲辟吳禍屬音燭下同反役

王聞之使賜之屬鏹以死艾陵役也屬鏹劍名鏹音間將死曰樹吾

墓櫨可材也。吳其亡乎。三年其始弱矣。盈必毀。

天之道也。

越人朝之伐齊勝之盈之極也。為十三年越伐吳起。

○秋季孫命脩守備。曰：小勝大禍也。齊至無日矣。

善有備

○冬衛大叔疾出奔宋。

疾即齊也。

初疾娶于宋子朝。

子朝宋人仕衛。

為大夫

其娣嬖。

嬖所娶女之娣。

子朝出。

出奔。

孔文子使疾出其妻而

妻之。疾使侍人誘其初妻之娣寘於犁

犁衛邑。

而為之

一宮如二妻。文子怒欲攻之。仲尼止之。遂奪其妻。

或淫于外州。外州人奪之。軒以獻。

外州衛邑。軒車也。以獻於君。

恥是

二者故出衛人立遺使室孔媯遺疾之弟孔媯孔文子之女疾之妻疾臣

向魘為宋向魘臣納美珠焉與之城鉏城鉏宋邑宋公求珠魘不

與由是得罪及桓氏出出在十四年城鉏人攻犬叔疾衛

莊公復之聽使還使處巢死焉殯於鄆葬於少禘終言疾之失所

也巢鄆少禘皆衛地初晉悼公子愁亡在衛使其女僕而田僕御田獵

犬叔懿子止而飲之酒懿子犬叔儀之孫遂聘之生悼子悼子犬叔

疾悼子即位故夏戊為大夫夏戊悼子之甥○戊音茂悼子亡衛人

翦夏戊翦前其辭邑孔文子之將攻犬叔也訪於仲尼仲

尼曰胡簋之事則嘗學之矣胡簋禮器名夏曰胡周曰簋甲兵之事

未之聞也。退命駕而行。曰：鳥則擇木，木豈能擇鳥。

以為自喻文子遽止之，曰：國豈敢度其私，訪衛國之難也。

國文子名將止仲尼魯人以幣召之，乃歸。於是自衛反魯樂正雅頌各得其所

○季孫欲以田賦。邱賦之法，因其田財通出馬一疋，牛三頭，今欲別其田及家財各為一賦，故言田賦。○孔疏計

一邱民之家資，今出一馬三牛，又計田之所收，更出一馬三牛也。使冉有訪於仲尼。仲尼曰：邱

不識也。三發三發問卒曰卒也子為國老，特子而行，若之

何？子之不言也。仲尼不對。不公答而私於冉有曰：君子

之行也。行政事度於禮，施取其厚，舉其中，斂從其薄。

如是則以邱亦足矣。邱十六井，出戎馬一疋，牛三頭，是賦之常法。若不度於禮，

哀公 請

而貪冒無厭則雖以田賦將又不足且子季孫若欲行而法則周公之典在若欲苟而行又何訪焉

弗聽為明年用田賦傳。厭平聲。

經十有二年春用田賦直書之者以示改法重賦○夏五月甲辰孟

子卒魯人諱娶同姓謂之孟。子春秋不改所以順時。○公會吳于橐臯橐臯在淮南道。道縣東南。

音峻。○今江南廬州府巢縣西北六十里。有柘臯鎮。漢之橐臯縣。春秋吳邑也。○秋公會衛侯宋皇瑗

于鄆鄆發陽也。廣陵海陵縣東南有發縣口。○錄音選。○今江南揚州府如皋縣東立發。古發陽也。亦名古鄆。○宋向巢

帥師伐鄭○冬十有二月周十二月。今十月是歲。應置閏而失不置。雖書十二月。實今之

九月初尚溫故得有蝻九月。司歷誤。一月。九月。之初尚溫。故得有蝻。

傳十二年春王正月用田賦終前

○夏五月昭夫人孟子卒昭公娶于吳故不書姓

諱聖高姓故謂之孟子若宋女死不赴故不稱夫人不稱夫人故不言薨不反哭故

不言葬小君反哭者夫人禮也以同孔子與弔適季氏季

氏不統放經而拜孔子始老故與弔也統喪冠也孔子以小君禮往弔季孫不服喪故去經從主節制○統音問

○薄氏遜曰孔子與弔弔于公也弔畢而適季氏見季孫不統亦去其經禮之稱也拜者賓主之禮也古者弔無拜禮

○公會吳于橐臯吳子使大宰嚭請尋盟尋鄭公不

欲使子貢對曰盟所以周信也周固故心以制之制其五

帛以奉之奉贊言以結之結其明神以要之要以寡君以

明神信結其要要以禍禍寡君以

為苟有盟焉弗可改也已若猶可改日盟何益今

吾子曰必尋盟若可尋也亦可寒也尋重也寒敬也乃不尋盟

○吳徵會于衛初衛人殺吳行人且姚而懼謀於

行人子羽子羽衛大夫也且子餘反子羽曰吳方無道無乃辱吾

君不如止也子木曰吳方無道子木衛大夫國無道必弃

疾於人吳雖無道猶足以患衛為衛患也往也長木之斃

無不標也標擊也標音飄國狗之瘞無不噬也瘞狂也噬也而

况大國乎秋衛侯會吳于鄆公及衛侯宋皇瑗盟

盟不書畏吳竊盟而卒辭吳盟吳人藩衛侯之舍藩子服景

伯謂子貢曰夫諸侯之會事既畢矣侯伯致禮地

主歸餼侯伯致禮以禮賓也地主所會主人也餼生物也以相辭也

各以禮相辭讓今吳不行禮於衛而藩其君舍以難之難苦困也

去聲子盍見大宰乃請束錦以行以賂吳語及衛故若本不為衛請

者大宰嚭曰寡君願事衛君衛君之來也緩寡君

懼故將止之止執子貢曰衛君之來必謀於其眾其

眾或欲或否是以緩來其欲來者子之黨也其不

欲來者子之讎也若執衛君是墮黨而崇讎也墮毀

也墮許規反夫墮子者得其志矣且合諸侯而執衛君誰

敢不懼。隨黨與魯而懼諸侯。或者難以霸乎。大宰

嚳說乃舍衛侯。衛侯歸效夷言。子之尚幼。子之公曰孫彌牟

君必不免其死於夷乎。執焉而又說其言。從之。固

與。出公輒後卒死於越

○冬十二月。螽。季孫問諸仲尼。仲尼曰。邱聞之火

伏而後螻者畢。火心星也火伏在今十月今火猶西流。司歷過也。猶西流言

未盡沒知是九月歷官失一閏釋例論之備

○宋鄭之間有隙地焉。隙地開田曰彌作。頃邱玉暢。葛戈

錫。凡六邑。○出五咸反錫音羊子產與宋人為成。曰。勿有是之。俱并及宋

平元之族自蕭奔鄭

在定十五年

鄭人爲之城

城以處平

元之族

九月宋向巢伐鄭取錫殺元公之孫遂圍岳十

二月鄭罕達救岳丙申圍宋師

此事經在十二月益上今例在下更具列其月以為別者

邱明本不以為義例故不皆齊同

經十有三年春鄭罕達帥師取宋師于岳

書取覆而敗之

夏許男成卒

無傳

公會晉侯及吳子于黃池

陳留封邱縣南

有黃亭近濟水夫差欲霸中國尊天子自去其僭號而稱子以告令諸侯故史承而書之今黃池在河南開封府封邱縣西南

楚公

子申帥師伐陳

無傳

於越入吳秋公至自會

無傳

晉魏曼多帥師侵衛

無傳

葬許元公

無傳

九月

各無傳○冬十有一月有星孛于東方無傳且彗星皆說而孛乃見故不言所

在之次。○盜殺陳夏區夫無傳稱盜非大夫。區烏侯反。○十有二月。

各無傳前年季孫雖聞仲尼之言而不正歷失閏至此年故復十二月各實十一月。

傳十三年春宋向魍救其師救前年國出師鄭子賡使徇曰

得桓魋者有賞魍也逃歸遂取宋師于岳獲成讎

郟延二子宋大夫以六邑為虛空虛之各不有

○夏公會單平公晉定公吳夫差于黃池平公周卿士也不書尊之

不與六月丙子越子伐吳為二隧隧道也。顧氏炎武曰隧即古隊字疇無

餘謳陽自南方二子越大夫先及郊吳太子友王子地王

孫彌庸壽於姚自泓上觀之觀越師彌庸見姑蔑之

旗姑蔑越地今東陽天末縣。大音泰。今浙江衢州府龍游縣也。曰吾父之旗也彌庸父為越所獲故姑蔑人得

其旌不可以見讎而弗殺也犬子曰戰而不克將亡

國請待之彌庸不可屬徒五千屬會也。屬音燭。王子地助

之乙酉戰彌庸獲疇無餘地獲謳陽越子至王子

地守丙戌復戰大敗吳師獲犬子友王孫彌庸壽

於姚地守故不獲丁亥入吳吳人告敗于王王惡其聞也

惡諸侯聞之自剄七人於幕下以絕口秋七月辛丑盟吳晉爭

先爭歃血吳人曰於周室我為長吳為大伯後故為長晉人曰於

春秋左傳卷之二十一 宣公 吳晉爭長

姬姓我爲伯伯爲侯趙鞅呼司馬寅寅大夫曰日旰矣旰也

反大事未成二臣之罪也大事盟也二臣鞅與寅建鼓整列二臣

死之長幼必可知也對曰請姑視之反曰肉食者

無墨墨氣色下今吳王有墨國勝乎國為敵所勝犬子死乎且夷

德輕不忍久請少待之少待無與爭輕去聲乃先晉人盟不書諸侯恥之故不錄

吳人將以公見晉侯子服景伯對使者曰王合諸

侯則伯帥侯牧以見於王伯王官伯侯牧方伯伯合諸侯則侯

帥子男以見於伯伯諸侯長自王以下朝聘玉帛不同故

徹邑之職貢於吳有豐於晉無不及焉以爲伯也

今諸侯會而君將以寡君見晉君則晉成爲伯矣

敝邑將改職貢魯賦於吳八百乘若爲子男則將

半邾以屬於吳半邾三百乘而如邾以事晉如邾六百乘且執事

以伯名諸侯而以侯終之何利之有焉吳人乃止

既而悔之謂景伯欺之將囚景伯景伯曰何也立後於魯

矣何景伯名將以二乘與六人從遲速唯命遂囚以還及

戶牖戶牖陳留外黃縣西北東昏城是也今東昏故城在開封府蘭陽縣東北謂大宰曰魯將以

十月上辛有事於上帝先王季辛而畢何世有職

焉有職於祭事自襄以來未之改也魯襄公若不會祝宗將曰

吳實然言魯祝宗將告神云景伯不會坐為吳所囚吳人信鬼故以是恐之且謂魯不共而執其

賤者七人何損焉大宰詬言於王曰無損於魯而

祇為名適為惡名不如歸之乃歸景伯吳申叔儀乞糧於

公孫有山氏申叔儀吳大夫公孫有山魯大夫舊相識曰佩玉繁兮余無所繫

之繁然服飾備也已獨無以繫佩言吳王不恤下繁而水反旨酒一盛兮余與褐之父

睨之一盛二器也睨視也褐寒賤之人言但得視不得飲盛音成對曰梁則無矣麤則有

之若登首山以呼曰庚癸乎則諾軍中不得出糧故為私隱庚西方主穀癸北方主水

傳言吳子不與士共饑渴所以亡○呼去聲孔疏食以稻梁為貴故以梁表精若求梁米之飯則無矣麤者則有之若我登首山以叫呼庚癸乎女則諾庚在西方穀以秋熟故以庚主穀癸在北方居水之位故以癸主水言欲致餅并致飲也王欲伐宋殺其丈夫

而囚其婦人

以宋不會黃池故言吳子恃威

大宰嚭曰可勝也而弗能

居也乃歸冬吳及越平

終伍員之言

春秋左傳杜注卷第二十九